

Naqqiissut

Allannguutissatut siunnersuut 30. maj 2023-meersoq taarserpaa
(Oqaaseqatigiit inuiaqatigiit inooqatigiinnermikkut, kultur-ikkut, upperisamikkut, anersaak-
kullu naleqartitaat ileqquilu, siunnersuutip § 1-ia, imm. 2 peerneqassaaq)

Allannguutissatut siunnersuut

uumunnga

Siunnersuut: Aatsitassarsionernut Inatsisartut inatsisaat

Pingajussaanigassatut Naalakkersuisut saqqummiussaat.

§ 1-imut

1. § 1 imm. 2-mi imatut allaqqassaaq:

” Imm. 2. Inatsisartut inatsisaanni naatsorsuutigineqarpoq, suliat inatsimmiisinnegartut inuiaqatigiit peqqissuunerannik ajoqusiisannginnerat, sillimaniarneq, avatangiisit, pisuussutinillu atuinerit, inuiaqatigiinnilu piujuartitsineq eqarsaatigalugit illersorneqarsinnaasumik ingerlannissaat, ilanngullugu inuiaqatigiit inooqatigiinnermikkut, kultureqarnermikkut, upperisaqarnermikkut anersaakkullu naleqartitaat ileqquilu mianersuunnissaat aammalu naapertuutissasut naleqqullutillu nunat tamat akornanni perusiinut akuerisaasunut.”

§ 35-imut

2. § 35-imi imatut allaqqassaaq:

” § 35. Qinnuteqartoq ujaasinissamik akuersissummik § 34-i naapertorlugu nalunaarfiginnginnerani, Naalakkersuisut qinnuteqaat inuiaqatigiinnut ulluni 21-ni tusarniaasutigisassanngortissavaat.

Imm. 2. Tusarniaanermi piffissaq imm. 1-i naapertorlugu, immikkut pisuni, ulluni 21-ni sivitsorneqarsinnaavoq.”

§ 45-mut

3. § 45-mi, imm.2.-mi imatut allaqqassaaq:

” Imm. 2. Ingerlatseqatigiiffiup siulersuisui Kalaallit Nunaanni inissisimassapput”

§ 52-imut

4. § 52-i imatut allaqqassaaq:

” § 52. Aatsitassanik piaanissamik akuersissummi aalajangersarneqassaaq, qanoq annertutigisumik pisinnaatitaaffeqartoq kalaallinik sulisoqarnissaa. Suliffeqarfiup pisariaqartitaatut annertutigisumik, akuersissutaateqartoq sulisunik nunanit allanneersunik Kalaallit Nunaaningaaneersuniinngitsunik sulisoqarsinnaavoq, imaakkaanngat assinganik suliaqarsinnaasut piukkunnaateqartut Kalaallit Nunaanniinngippata periarfissaqanngippatalu.

Imm. 2. Aatsitassanik piianissamut akuersissummi aalajangersarneqassaaq, akuersissummik pigisaqartup suliffeqarfiit Kalaallit Nunaanneersut suliariumannittussarsiornermi, pilersuinermi, kiffartuussinermilu qanoq annertutigisumik atussanerai. Suliffeqarfiit Kalaallit Nunaanneersut teknik-ikkut niueqatigiinnikkullu unammillersinnaanngippata, suliffeqarfiit al-lat atorneqarsinnaapput.”

§ 53-imut

5. § 53-i imatut allaqqassaaq:

” § 53. Akuersissummi § 16 naapertorlugu aalajangersarsinnaavoq, akuersissummik pigisaqartup qanoq annertutigisumik aatsitassanik Kalaallit Nunaanniittunik suliareqqaarsinnaagai. Kalaallit Nunaata avataani suliareqqaarinnittoqarsinnaavoq, Kalaallit Nunaani suliareqqaarinninneq akissaajaataanerussappat akornuteqassappalluunnit.”

§ 128-imut

6. § 128-i imatut allaqqassaaq:

” § 128. Inatsisartut inatsisitigut aalajangersarsinnaavaat, sumiiffik sumiiffiilluunniit aalajangersimasut eqqissisimatitaanissaat sannaat allanngutsaaliornissaallu sianiginiassammata. Sumiiffimmi geologiia eqqarsaatigalugu eqqissisimatitami, una Inatsisartut inatsisaat naapertorlugu, qanorluunnit ittumik suliaqartoqassanngilaq, imatut inngippat, ataatsimik arlalinnilluunniit aalajangersimasumik /-nik suliaqartoqarsinnaasoq, Inatsisartut eqqissisimatitsinermut inatsimmi aalajangigaanni.

Imm. 2. Inatsisartut una Inatsisartut inatsisaat naapertorlugu, inatsisitigut suliaq /-liat inerteqqutigisinnaavaat imaluunniit killilersorsinnaavaat, soqutigisat nalinginnaasut isumaginissaat siunertaralugu.”

§ 140-mut

7. § 140-mi imm. 2-tut ikkutissaaq:

” Imm. 2. Naalakkersuisut imm. 1 naapertorlugu aalajangersakkanik sukumiinerusunik, pingitsaaliissummik akiliisitsinerit qanoq annertutiginnissaannut tunngasunik aalajangiissapput.”

Allannguutissatut siunnersuummut oqaaseqaatit

Oqaaseqaatit nalinginnaasut

Allannguutissatut siunnersuummi siunertaavoq allannguutissanik ilanngussinissaq, taamaaliornissaq Inussutissarsiornermut Aatsitassanullu Ataatsimiititaliamit siunnersuutaalluni ataatsimiititaliap isumaliutissiissutaaniittoq aatsitassarsiornermut Inatsisartut inatsisaata aappassaaneernerani, aamma ataatsimiititaliap ilassutitut isumaliutissiissutaata aappassaaneernerani.

Oqaaseqaatit allannguutissatut siunnersuummiittunut aalajangersakkanut ataasiakkaanut

Normu 1-imut

Allannguutissatut siunnersuummi imm. 1-imi erseqqissarneqarpoq, aatsitassarsiornermi tunngatillugu Inatsisartut inatsisaanni naatsorsuutigineqarpoq, suliat siunnersuummi ilanngunneqartut inuiaqatigiit peqqissusianik innarliissanngitsut.

Ilanngullugu piissaaq innersuussut inuiaqatigiit inooqatigiinnerannut, kultur-iannut, upperisaannut anersaakkullu naleqartitaannut ileqqinullu tunngasoq.

Allannguut siunnersuutip imm. 1-iani pissaaq, taannaasoq siunertanut aalajangersagaq, tassanilu erseqqissarneqartoq suliat siunnersuummi ilaatinneqartut, tassanilu sulissinermi inuiaqatigiit peqqissuunerat sianigineqassasoq.

Normu 2-mut

Siunnersuutigineqarpoq aalajangersagaq aatsitassarsiornermut tunngasuni § 35 Inatsisartut inatsissaaniittoq, misissueqqaarnernut akuersissutinik nalunaaruteqarnernut atatillugu innuttaasunik tusarniaatitsinerni, allanngortinneqassasoq imaalillugu, ulluni 21-ni aalajangersimasuni tusarniaanermik piffissaqassasoq, imaatuunngitsoq allanngortinneqarsinnaasunik 21-nik ikinnerpaanik ulloqartitsilluni. Taamaaliordermi qinnuteqartut qulakkiissavaat, tusarniaanerup sullissineq sivitsortissanngikaa.

Aalajangersakkami imm. 2 ilanngunneqassaaq, tamatuma kingorna immikkut pisoqartillugu tusarniaanermi piffissaasoq ullunik 21-nik sivitsorsinnaanngortillugu.

Tusarniaanerup sivitsortinnissaanut patsisaasinnaavoq, saqqummiussinermi teknik-ikkut ajornartorsiuteqarneq.

Imatuttaaq pisoqarsinnaavoq, imm. 1-i naapertorlugu tusarniaanermi akissutit tusarniaatitsinerup nalaani takkuttut patsisaasut. Tamanna immikkut pissaaq, tassami tusarniaatitsinerup siunertaraa, innuttaasut ilerasuuteqarnerisa ilisimasaqarfigilernissaat. Assersuutaasinnaavoq tusarniaanermi akissummi tikkuarneqartoq, innuttaasut inuuffigisaminni

ilisimalersimangisaannut ajornartorsiutaasunut tunngasoq, taamaattumillu innuttaasut piffissalerneqassasut oqaaseqartinneqarnissaq eqqarsaatigalugu. Taama psioqartillugu tusarniaanermik piffissaq ullunik 21-nik sivitsorneqassaaq, taamaalilluni innuttaasut ajornartorsiutitut takkuttunut nutaanut, tusarniaanerullu aallartinnerani takkuttunut isummersinnaangortillugit.

Pissusiviusunik misissueqqinnissamik patsisaasinnaasut, tusarniaanermi akissutini saqqummersuni, akuersissummillu tunniussinginnermi tusarniaanissamik sivitsuisinnaasut, tungavilersuutaasinnaangillat, Naalackersuisummi tamakku misissuinerit nammineq ingerlassinnaammagit, innuttaasut peqataatinngikkaluarlugit.

Normu 3-mut

Aatsitassarsiornermut atatillugu Inatsisartut inatsisaani § 45 imm. 2-p allangortinnissaanut siunnersuutip patsisigaa, tassani malugineqarmat, taaguutip ”allaffeqarfivik”, taanna allangorsimannguatsiarmat nunaniilluallameersunit aningaasaliisussanit paatsorneqarsinnaanera. Siunnersuutigineqarpoq taaguut ”siulersuisut inissisimaffiat” atorneqassasoq, taanna tuluit taaguutigisartagarivaat ”place of mangament”, akileraaruserinermilu taanna atorneqartarmat.

Normu 4-mut

Suliffissuaqarfimmeersunit atuutsinneqarpoq, siunnersuutip aatsitassarsiornermiittup § 52-ip oqaaseqatigiiliorerata, akuersissutaateqartup kalaallinik, kalaallinillu pilersuisunik atuinissami inatsisitigut inissisimaneq ersernerlutsikkaa. Taamaattumik siunnersuutigineqarpoq aalajangersakkap allangortinnissaa, maanna atuuttumut aatsitassarsiornermut inatsimmut naapertuuniassammat.

Normu 5-imut

Suliffissuaqarfimmeersunit atuutsinneqarpoq, siunnersuutip aatsitassarsiornermiittup § 53-ip oqaaseqatigiiliorerata, akuersissutaateqartup aatsitassanik nunani allani suliaqarnissami inatsisitigut inissisimaneq ersernerlutsikkaa. Taamaattumik siunnersuutigineqarpoq aalajangersakkap allangortinnissaa, maanna atuuttumut aatsitassarsiornermut inatsimmut naapertuuniassammat.

Normu 6-imut

Aatsitassarsiornermi § 128-mi Inatsisartut inatsisissaatut siunnersuutaanni, Naalackersuisut aalajangersaasinnaapput (aalajangersakkanik atuutsitsilerlutik) sumiiffinnik eqqissisimatitsinissanut, tassani geologiimut pissutsit eqqarsaatigalugit, taakkulu ataannarnissat eqqarsaatigalugu aamma sumiiffinni aatsitassarsiornerit killilersornissaat eqqarsaatigalugu, tassani

soqutigisat nalinginaasut isiginiarneqarmata.

Siunnersuutigineqarpoq aalajangersakkap allanngortinnissa imaalillugu eqqissisimatitsinerit geologiskimik pissutsit minersuutissagaat, taakkulu allanngortsaaliornissat, tamatutaaq aatsitassarsiornermi killilersuutininik atuutsitsilersinnaaneq Inatsisartut inatsisaanniittoq. Taamaalilluni Naalakkersuisut pissutsini taakkunani aalajangersakkanik atuutsitsilersinnaanngilat.

Normu 7-imut

Siunnersuutigineqarpoq aatsitassarsiornermi Inatsisartut inatsisaanni § 140-mi imm. 2 ilanngunneqassasoq, tamatuma kingorna Naalakkersuisut pinngitsaalissummik akiliisitsinerup qanoq annertutiginnissaanik aalajangersaasinnaapput, aalajangersagaq naapertorlugu.

Taamaalilluni ataatsimik arlariinnilluunniit aalajangersakknik atuutsitsilertoqarsinnaavoq, tasani akiliisitsinerit, aalajangersagaq naapertorlugu, qanoq annertutiginnissaat aalajangiunneqarluni, aamma Naalakkersuisut pinngitsaaliissummik, aalajangersagaq naapertorlugu, tunniussinnginneranni.